

Efesia

¹ Min Polo, Yesu kirisi tondo kelima u Tienu yanbuama po. N diani li tisonkaali ne ki fuodi yinba yaaba n tie ya niba n gagidi ki nani yeni ya niba dugi Jesu Kilisi nni ki ye Efesa po. ² T baá u Tienu t yonmdaano Yesu Kilisi n̄nbili po yeni o yanduama n ya ye yeni i. ³ Tin pagi u Tienu yua tie t yondaano Yesu kilisi báa. Wani n seligi 'ti u Tienu nni sela buoli kuli Kilisi nni tanpoli po ⁴ U Tienu bo tuodi gandi 'ti nni hali ke n̄anduna daa bo tagi. Ke tin ya tie ya niba gagidi ki nani, kaa pia tagili baa kuli o nintuali nni. ⁵ O bo tuodi taa'ti ke ti tua o bimonmu Yesu kilisi po. O yanbuama yeni o yanjagin̄anli po ke o bo tieni n yeni ⁶ Lanwani tin ya pagi o n̄nbili yaal n pia t kpiagidi. Wan puni 'ti yaali kelima o bibuadiga po. ⁷ Yesu n bo faabi'ti kelima o soma po i ke ti bàà sugili ti tuonbiadi po. yeni ke owaan'ti o n̄nbili nyabi maam t po ⁸ U tienu bo yadi ti po lan n̄nbili ke li yabi, ki puni'ti m yanfunma yeni m banma kuli. ⁹ O bo d̄ogidi t po, o yanbuama bond̄ogikaala, wan bo tuodi bili ya yanjagin̄anla kilisi nni ¹⁰ Lani n tie ke u yogu ya pundi wan taani li bonli kuli yaala n ye tanpoli po yeni yaala ye n̄anduna nni kuli, ke li kuli n t tua yenma. Ke kilisi n ya die li kuli. ¹¹ Kilisi ya niinni ke u Tienu bo tieni li bonla kuli nani wan bo kpa Jagi ki bil'o maam. O bo gandi ki gagidi 'ti ke t tua o yaaba. ¹² O bo tieni n yeni ke tinba yaaba bo bili t gudima n ya pagi'o. ¹³ I

mɔ ko bo gbadi i mɔnmɔni maama lani n tie li lanbonmanli yua cua i po n tindima. i bo tuo ki daani kilisi o yua niinn. Utienu bo teni i o maalima, lani n tie u Tienu fuɔŋanma yua bo niani u ñɔnianu ke baa pundi t yua. ¹⁴ U Tienu fuoma yua ye yeni'ti n wangi ke t baaa dii ya faali ke u Tienu bo guuni 'ti. Lani n tieni ke u Tienu bo faabi'ti canyiin. T ya pagi o kpiagidi. ¹⁵ Li tie lan ya po i ke mini bo gbadi dandanli, o yonmdaano Yesu po maama yeni i buama bi nigagidiŋanba kuli po. ¹⁶ N tiendi u Tienu balgi i po u yogunu kuli. ki taagi i kuli ya yela min jaandi ya yogunu. ¹⁷ U Tienu yua tie t yonmdaano Yesu Kilisi báa yeni yua n pia t kpiagidi kuli n teni o ke o fuoma n yendi t yantiana, ki gɔ dɔgidi i po u Tienu ke yin bandi o mɔnmɔni. ¹⁸ N gɔ miad'o ke wan yedi i yantiana nuni ke yi fidi ki bandi ya gudima n tugi, yeni o yinu yeni wan bili o nigagidiŋanba po. Yaa ŋalmano ke o pia t kpiagidi. ¹⁹ n gɔ miadi ke yi bandi o paalu yua n tuuni tinba yaaba n dugi o po ya niinn n yabidi ki kandi maama. ²⁰ u paalu yua n tuuni niinn yeni n tie wan bo suani yua ki fiini fini kilisi bi tinkpiba siiga nni ke o go ye ki fo ki o jienu tanpoli po. ²¹ Wani kilisi kaa lankani ki die m diema danba kuli, li bali danba kuli, bi paatieba yeni bi yonmbidaba kuli. O yeli cie yeli kuli yaayogu yene yeni ya yogu baa t cua kuli. ²² U Tienu bili a bona kuli ki bili kilisi niinn ke cedi k o tie wan yiini yaaba kuli yudanciamo. ²³ Kilisi naataanli tie o gbannandi ki tie o yedagidikaama, wani yua n dagidi bi kuli po li bonli kuli nni.

Diangbeenga 2

¹ Yogunu ba i bo tie kpenba kelima i tagili yeni yi tuonbiadi po ² li yoguni yi bo nua nanduna sanbiidi yeni nanduna tagibiidi bado yua yaa yantiana n suani mola u Tienu yiedikaaba pala nni. ³ Tinba kuli bo kpia tieni yeni. Ki tiendi nani lan niba n tiendi maama mola ne. Ki nua t gbannandi bonbuakaala ki tiendi t gbannan yeni li yantiali n bua yala kuli. Bi bo mali 'ti ke t tie u Tienu pali n be yaaba ya po nani nifosaalo kuli yene. ⁴ Ama u Tienu ninningbadima cianma po o bua tinba hali ki li yabi. ⁵ Lanwani t bo tie tinkpila i kelima ti biidi po. O bo guani puni li miali yeni kilisi. Li tie o namba paabu ya po ki yi faabi. ⁶ O taani ki fiini tinba yeni Yesu kilisi, ki duoni ki kuani 'ti yeni wani tanpoli po diema nni ⁷ O bo tie lani kuli ki bua waan'ti o nambili n yabi maama kaa pia bianu, hali ya yogu n baa ti cua kelima o nanna ti po Yesu kilis nni. ⁸ Li tie o nambili -paabu ya po i ki tii faabi yi ba lan kelima li dandanli ya po yo. ⁹ laa tie a tuona po mo yeni wani, oba kuli n daa jingidi o yuli li po ¹⁰ T tie u Tienu nugu tuonli. A tagi'ti Yesu kilisi nni ki t ya suani o tuonnanma. Wan bo tuodi ki bili ke ti ya suani yaala. ¹¹ Ya tiani mani line bo mali yi ki yi tie ninlanba. ban yi yaaba a jogida, kelima bi niba n tieni ya kociaagu b gbannandi po. Li bo cedi ke bi yi a jifela. ¹² Lanyogunu i bo fagi yeni kilisi. yi bo k pia bonla Isaraheli buolu yaaba kani. Yi bo tie canba Isarayeli buolu nantaadi nni. yaala nua wan bo nani'ba ya noniani nni, yi bo ye nanduna nni

gaa pia guudima ba kuli, gaa pia nantaado yeni u Tienu mo. ¹³ Ama mola Yesu kilisi mo ya nni ke yinba yaaba bo kpia ye fagima yeni yi nagini u Tienu kani lelima kilisi ya soma po ¹⁴ Wani Yesu n tie t yanduanma yan taani nibuoli lie, Jufi-nba yeni bi nilanba ke bi tua nibuolu yendu. O bo puni'ba o gbannandi, ki mudi ya pagili n bo paadi 'ti yeni t lieba lan tie m yibalima. ¹⁵ O bo buoni li bali maama yeni lan bo pia ya kuana kuli ki taa lan nibuoliediba ki tagi nibuoli paanyendu wani o ba ya niinn gi tieni n yanduanma. ¹⁶ O bo bua wan mangi tinba yeni u Tienu ki kpe li daaponponli po ki buoni ti yibalima ke ti tua nibuoluyendu. ¹⁷ Wani Yesu n bo cua ki wangi ti m yanduanma ya laabaalanmo yinba yaaba bo ye fagima yeni yaaba bo ye konma konma nni. ¹⁸ Wani yaa po ke ti kuli baà u sanu ke baa fidi pundi baa kani. nani o fuoyenma u Tienu nni yaaba n daani o niinni. ¹⁹ Lanwani i go tie nilanba bii canba mo. I ji tie tanpoli yaaba i ki ji taa buoliyendu yeni u Tienu nigagidiñanba, yeni u Tienu deni yaaba ²⁰ Yi tie nani a tanmaatana yeni ke bi máá i ya tanpuuli n tie u Tienu tondiba yeni o saawalipuala po wani Yesu kilisi n tie laa tanpuuli ya tanjuga ²¹ Wani Yesu ya niinn ke yi la li dieli gi maa bonnanli ke li kpedi ki tua u Tienu dieli ya la n gagidi ki nani o po. ²² B máá ki tuani yinba mo o ya niinn ne kelima o fuoma ya po i ke i taani tie u Tienu n ye naani.

Diangbeenga 3

¹ U tienu tieni li kuli ne yinba yaaba n ki tie

jufinba yaaba yapo ke min Pol ke n ye li yomdieli nni Jesu Kristi po. ² N tama ki bani ke U Tienu selgi nni yeni wan teni nni a tuona min soni i yapo. ³ O teni nni laa tuonli kelima yaa n̄asiili ke n bo waani yeni po. ⁴ I yaa c̄ogi min waani i yaa n̄asiili yeni, i baa bandi ke n bandi i maam̄oni Kristi po. ⁵ Yognuba o bakuli bo ki bani yaa labamanli n kpendi po, kelima o den liegi dul̄na, ama m̄ola U Tienu d̄ogila ki waani o yeginkaaba yeni o tundikaaba. ⁶ Li mam̄oni tie ke yaaba n ki tie jufinba b̄ogidi yeni jufinba U Tienu ban̄anli, ki tie U Tieni niba, ke baa biidi yaa bona ke U Tieni puoni ba kelima bi kuli tuo Jesu Kristi. U Tieni Labaamanli n yeni. ⁷ N ji tie U Tieni tondo ke baa yaa muandi o labaamanli, yaa tuonli ke n bo ke dagidi min soni ama ke U Tieni lebdi nni u paalu po. ⁸ Yeni min li wa maama kuli, U Tienu teni nni o paalu o buama po ke min muandi yaaba n ki tie jufinba po li labaamanli yeni Kristi n tieni yaala ti po, ke li yabi boncianla, ke nilo kan fidi ki waani. ⁹ Min baa soni yaala tie ke min waani yuakuli U Tienu n bogindi yaala. Yaala ke U Tieni wuonla hali ke li fagi, hali yaa yognu ke o bo tagi a bona kuli. ¹⁰ U Tienu n bogini yaala, o waani o maleke paala tanpoli po o niba yaaba n tuo Kristi. ¹¹ U Tienu bo bogini lani ti po, o bia tieni lani Jesu Kristi tuonli po. ¹² Yeni ti yaa jaandi, ti baa fidi ki pundi U Tienu kani yeni papaali ke jiwaani ki ye yeni ti, kelima ti tuo Jesu yua soni U Tienu tuonli. ¹³ N miadi ke yin da w̄odi i pala min laadi yaa fala ne po li yomidieli nni i yaa po, lani n baa todi yin kpaadi. ¹⁴ Kelima U Tienu

tieni li kuli ne i yaa po i, n gbaandi ki jaandi U Tienu ti ba. ¹⁵ O tie yaaba n gaa o maama qui kpe yeni yaaba n ye ki tinga ne po kuli. ¹⁶ N jaandi ke u paalu po, U Tienu n teni i o paalu ke bia teni i o fuonjanma i fuomi nni. ¹⁷ N jaandi ke Kristi n kua i pala nni kelima i tuo o, ke yin yaa tie nani yaa tiigi ke o jiina kpa n̄ama yeni yaa dieli ke bi maa o tantiagu po yen. ¹⁸ Ke lan fidi yin gbadi yeni yaaba ke bi paadi ba U Tienu po. Kristi buama pianu, faginu yeni juanu yabi. ¹⁹ Li buama yabi hali ke ti kan fidi ki gbadi, ama n miadi ke U Tienu n gbie i nni. ²⁰ U Tienu baa fidi ki tieni yaala n cie tin miado yaala yeni tin maali yaala o po. ²¹ O yeli po, li pamanli n yaa ye yeni a bina yeni a bina. Amen

Diangbeenga 4

¹ N ye lio yonm dieli nni t Diedo Yesu po ki diani ki bua puni i cegili. Yin m̄ondi ke i yenma n ya n̄ani wan yiini ki bua yi ya ye maama. ² Yi yaa jiindi i ba yogu kuli ki ya pia li pasongili yeni li mindili gi yi bàà sugili i lieba po. Lan kuli mbuama nni. ³ M̄ondi mani ki ya táá n̄obu ki ya ye yeni i lieba m yanduanma nni ⁴ B dugikaaba kuli tie gbannanyendo i. U Tienu fuoma m̄o tie yendo i ke b ḡo lugidi n ke u Tienu n puoni yaali kuli n tieni ⁵ O candaano tie yendo Yesu kilisi yua ke t kuli daani. K ḡo ya bani ke m n̄inwulima m̄o tie yenli Jesu yeli po. ⁶ U Tienu tie yendi ki tie t kuli báa wani n ye t kuli niinn ki suani o tuonli ⁷ U Tienu buama nni ke u teni Dugkaa kuli m tagimi paabi nani yua kuli n bua maam.

⁸ Nani lan bo diani maama a tila nni: o gedi yeni i yonmi t yonbidi nni. K go teni u buolu u paabu ⁹ Ya mataali n yedi ke o doni bua waani o jiidi Jelusalemi bi tinkpiba nni ki pan pua u tobu. ¹⁰ Kirisi yua bo jiidi tinga nni ki paadi sotaani yeni ke b bo kpa'a'o k o fii bi tinkpiba siiga nni ki ji la ya kaanu nani tanpoli yeni t kpiagidi ki fidi die bonli kuli yeni u paalu. ¹¹ O lugidi b dugikatoba ke b tie tondikaaba, tianbi saawalipuala, laabaalanmo tundikaaba, paterinba bii tundikaaba. ¹² Li tieni n yeni ke lan fidi bobini u Tienu niba. Ban fidi soni li tuonli lan buali maam k go todi kilisi yaaba kuli ban paa m tagima nni ¹³ Wan nanbi bua yali tie ke t kuli n nanbi ki ya pia dudugiyenli; ki nanbi bandi u Tienu bijua, ki kpedi ki yaa tie nani yaaba n bandi kilisi k gbeni canyiin yeni. ¹⁴ Lan fidi t daa tie nani bila yua ke b baa fidi pua'o faama yeni. ¹⁵ Ama t baa bua u Tienu k go dugi a tunda po ki mo ti fidi nandi yeni Yesu ¹⁶ O tuo ke b dugukaaba n taani kpedi ki ya bua b lieba. ¹⁷ Lani po n cedi ke n paandi i pala t diedo ke i yenma n daa tie nani yaaba ki bani u Tienu yeni ¹⁸ B kan fidi tieni li yantiali ki bandi yaa tie faagu bii monmoni ¹⁹ B ji k bani fei k ji suani ya tuona k nua; b go ji kan fidi cuo bi ba yeni t jogintuona. ²⁰ Ama i bandi ke Kirisi boo tie yeni kaa ²¹ Nanai yi ji gbadi Kirisi maama ke o go tundi yeni; i ji bandi ke m yananna tie ti ya tuagi Yesu n waan'ti maama i. ²² Jesu bo tundi 'ti ke ti noli ti togikpeli yeni t maalbiidi yaaldi o nilo. ²³ Li tie taladi yi lebidi i maalma. ²⁴ ki guani taa i monmoni

maalɲanma yua ke u Tienu bua; nani ya niba n paadi bi bá ki ji cuoni Yesu ɲandi n yene. ²⁵ Lan wani i ji ɲaa k daa pua i lieba faama ki dugini t kuli ne ji tie u Tienu diema yaaba i. ²⁶ Apali ya bɔndi ɲan daa ɲaa a pabɔnli n cua yeni t biidi bii ɲan ba t biidi nni. A mɔndi ɲaa li muiɲuoli ke u yienu daa ba. ²⁷ Lani tie ɲan daa ɲaa sitaani n bigin'a ɲan baa t biidi nni. ²⁸ yaaba n jaani ban ji daa jaani ban ɲmigidi ki sɔni li tuonli ɲanma, ki kubi b yula ki gɔ fidi tod'i bii ki ñani yaaba n ye m cacagma nni ²⁹ Yi daa maadi jadimaama ama ya maama n mani ki gɔ mɔni. ki fidi paani yaaba bua pali yeni yaaba n songi yi. ³⁰ Daa biidi mani u Tienu fuɔɲanma i maama nni yeni i maalima nni. kelima wan taani 'ti ki tie t guudima ki ba ñani'ti t biidi nni. ³¹ Daa pia mani langbina i lieba po, u tugutongu, m biadima. ³² Yi ya mani yeni i lieba, ki pia m niñinma i lieba po ki báá sugili nani u Tienu n bo teni 'ti faala kirisi niinn yeni.

Diangbeenga 5

¹ N buakaaba, yatogd mani U Tienu, ² Ke yaa fuoma tua nani Jesu n buali maama yeni ke yedi ke o baa selgi yaala n ɲani U Tienu po. ³ Bandagi jɔngili, kpikpuligu n daa ye i kani. ⁴ Daa maadi mani mabiidi, majɔngidi kelima i tie U Tienu n baa bu yaaba. Li dagidi ke tin yaa tie U Tienubaliga ki dugini o buama po yaa yogunu ke ti pagi yeni bi niba. ⁵ ɲambi ki bandi ke yua n tie conconma, jɔngidi, padibiidi, kpipulgu ki pia yiali Jesu yenU Tienu kani. ⁶ Niln da bɔndi yeni

macanba. Laa tietiedi biidi U Tienu pali. ⁷ Yimba yeni li niba n daa taa baa pu. ⁸ kelima i dentie li bonbonli, mola i ji ye yomidaano yinyenma nni. Yaa cuon mani nani mi yinyenma n bila yeni, ⁹ kelima mi yinyenma ncedi ke o nilo tie namibuolu kuli, yaa nanma n ke dagidi yeni i moni. ¹⁰ ke tie yaala n nani O Diedo po. ¹¹ Da tugdi mani li bonbonli nni liba ama yin fagidi yenba. ¹² Kelima li pia i fe yeni yin waani ban soni yaala li nmini nminli nni. , ¹³ Yaala n legini mi yenyenma kuli ¹⁴ kelima miyenyenma yendi li kuli. Li po n cedi ke li yedi: «Findi fin yua go, ki ña bi tinkpiiba siiga, ke Jesu n yendi a.» ¹⁵ Yin daa fuo mani a nibiada yeni, ama yin yaa tie yandanba. ¹⁶ kpaani mani u yogunu kelima a dana bia. ¹⁷ yin daa ye mani yaaba n ki pia mi yama kaa, ama mondi mani ke yaa ye Jesu buama nni. ¹⁸ Yin daa bu yeni idanba, yinda fiagidi o nilo, cedi mani mi taginanma n yaa ye yeni. ¹⁹ Yaa pagidi mani i lieba pala yeni i yanma nni, yandaano dondili yani yeni mi taginanma n waani ti yaa yani. ²⁰ Yaa tundi ki tiendi U Tienu baliga ki dugini ti yonbidaano Jesu krisiti n tieni yaala ti po. ²¹ Jiini mani i ba bi niba kanikelima yi nua krisiti. ²² Bi puoba, n yaa jiindi i ba i ciaba kani. yin jiini i ba Jes kani yeni. ²³ kelima o ja n tie o baa nani Jesu n mo tie baali jaandieli nni yia tie o gbannandi ke o tie fabidaano. ²⁴ Nani li jaandieli nni n jiindi o baa Jesu kani yeni, li buali ke bi puoba mo n yaa tie yeni bi ciaba kani bonli kuli nni. ²⁵ Bi jaba, yaa bua mani i puoba nani Jesu n bua li jaandeliki cabi o ba,

²⁶ ki fidi ki ŋanbi o kelima o wuli yeni mi maama, ²⁷ ki lan fidi ke tin yaa ŋani ti jaandieli nni ki da pia jongidi, tol, ba nanangu ba kuli, ama ti ŋandi. ²⁸ Mɔla bi jaba ba bua bi puoba nani bi gbannandi celu yeni. Yua bua o pua, bua o gbannandi. ²⁹ O baa ki ba ki nundi o gbannandi, ama o wuu ki ŋanbidi nani yomidaano n tie li jaandieli maama; ³⁰ kelima ti taabi o gbannandi. ³¹ Li po i ke o ja siedi o ba yeni o na kani ki taani o pua ban taani gbannandi. ³² Li tuoli nni yaaba, min bani kelima Jesu ye li jaandieli nni. ³³ Ke yua kuli n ya bua o puo nani o ba yeni, ke o pua mo n yaa colini o calo.

Diangbeenga 6

¹ Yinba abila yin tuo mani yi danba maama nani O Diedo n bua maama. Kelima lani n tiegi. ² ŋan kpiagi a ba yeni a na, li tie U Tienu bali makpiama n yegi yeni u ŋɔŋianu. ³ Ke ŋan fidi ki ba ki yaa pia li pamanli. ke ŋan yaa ye ki fuo lani n waagidi ki tinga po. ⁴ Yinba bibaa nba mo yin da manbidi yi bila hali ki fiidi bi pala. Ama yin yaa wubi ba, ki tundiba, ki bangi ba nani O Diedo n bua maama. ⁵ Yinba i yonbi, yin yaa tuodi mani i canbaa nba maama yeni i jeje yeni mi digibima yeni payenli nani yin tuo ki baa tieni Kilisiti n yedi yaala maama. ⁶ Yin daa tiendi yeni ban nua yi yaa yogunu bebe ka, ki da tie ke yi bua ki mangi bi nisaaliba yaa pala, ama yin tie Kilisiti yonbi yeni, yin tieni la yeni li paŋanli U Tienu yanbuama po. ⁷ Yin sɔni mani yeni li payenli, kelima yi tuuni Kilisiti po i. Laa

tie bi nisaaliba po ka. ⁸ Yi bani nilo kuli baa gaa O Diedo kani wan soni yaa tuonjanli pani ke nan tie yonbo bi yua n die o yuli. ⁹ Yinba canbaanba mo, yin yaa tiendi yeni bi po. Yin na ki mabinga, ki yaa bani ke yinba yeni bani kulitaa canba tanpoli po yeni wan waa tiendi gagidima bi niba yeni bi yaba. ¹⁰ Yaala n sieni tie li ne yin yaa baadi yi fida O Diedo kani, yua yaa paciamu n cie yi paali kuli nni. ¹¹ Yin bobini mani U Tienu n puni yi yaa totiadi kuli ki yin fidi ki yaa se ke li paa. Ki yie ki tuogi yeni (o biado) sutaani nunfanbiadi bu kuli. ¹² Kelima tii koni yeni yaaba n pia gbanandi yeni soma ka ti togidi ki koni yeni mi diema danba, yeni li bali paciami danba yeni yaaba n die li biigili nandunli badijaba yeni mucicibiadimu yaa mu ye nni fawaama nni. ¹³ Li tie lani yapo yin ta U Tienu n puni yaa totiadi kuli, ke yin fii ki sedi ki yie yaa daali nbiayaa ti cua ke yin paadi, ki go yaa se ki paa. ¹⁴ Lanwani, yi yaa se mani bonjanla ke li paa ki yaa ñogiciamu i maami nani o gbannagidigu, ki la mi tegima kuditiadili. ¹⁵ Ki pili li yan kualo nani ti cacaadi yeni, mi yanduama labaalijama wangima po. ¹⁶ Yin taa mani li dandanli ki yaa kubi yogunu kuli nani ku gbankuondigu yeni, ki yin fidi kigbindi mi biadima daana n taa yi yaa mupiemi kuli. ¹⁷ Yin yaa ciibi mi faabima kuli fogiliga yeni U Tienu fuonjanma jugi siega yaaga ntie U Tienu maama. ¹⁸ Fuoma yua n teniyin yaa jaandi yogunu kui i jaandi buolikuli, yeni bu miabu buoli kuli, ki yaa jaando yeni lijuunmoanli U Tienu nigagidijan ba kuli po. ¹⁹ Yin yaa jaandi mani n po, ke

min baa yaa di n ñobu ki mōdi yaa yogunu ke wan panni min ba maadi yaama. Ki min fidi tenibanbandi o labaalɛnɛmo bondɔngi kaali yeni li papaali ²⁰ n tie o labaalɛnɛmo tondo, ki pili o yonbo dansalibiaga, ki min yaa pia ti pa paali ki maadi o labaalɛnɛmo nani lan pundi min waanomaama. ²¹ T i siiga yua n tie ti kpibuado ti ninja O Diedo tuonli nni baa teni yin bandi n labaali yeni min tiendi yaala ke yi moko n bandi li kuli. ²² N jonni i kani lan yaa po bebe ki yin bandi ti yema lan paagi yi pala. ²³ U Tienu yua n tie ba yeni yonbidaano O Diedo n pa ti ninjaba nni mi yanduama mi buama yeni li dandanli. ²⁴ ke li njanbili n yaa ye yeni yaaba nbua ti Diedo ti yonbidaano yaa buama n kan lebidi hali abada.

Bible Gourmantche
The New Testament in the Gourmantche language of
Togo
Le Nouveau Testament en langue Gourmantche du
Togo

copyright © 2020 Door 43 world-wide mission community

Language: Gourmantche (Gourmanchéma)

Dialect: Gormantche

Translation by: Door 43 world-wide mission community

Contributor: Andrew Rice, Gourmantche, Gux, Parfait, Parfait-Ayanou

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2020-08-13

PDF generated using Haiola and XeLaTeX on 21 Apr 2023 from source files dated 14 Aug 2020

1168f00b-eabf-5a7b-9fed-4d2120867558